



KOMUNIKASAUN BA IMPRENSA

Komunikadu ba Imprensa

15 Julhu 2010

DNTPSC NO PROGRAMA ITA NIA RAI HALA'O TAN PUBLIKASAUN MAPA RAI NIAN BA DATOLU IHA KAPITAL DISTRITU BOBONARO NO OECUSSE

Guvernu Timor Leste, liu husi Direção Nacional de Terras, Propriedades e Serviços Cadastrais (DNTPSC) no Programa “Ita Nia Rai” halao publikasaun mapa hodi fo sai rezultadu deklarasaun na'in ba rai, iha Kapital Distritu Bobonaro no Oecusse.

Eng. Jaime Xavier Lopes, Director DNTPSC hateten **“Objetivu husi publikasaun mapa ne'ebe refere mak atu garante transparansia iha prosesu halo deklarasaun na'in ba rai nian. Iha periodu ne'e deklarantes sira bele ba verifika no hadia sira nia dadus, karik iha dadus ruma ne'ebe sala. Nune'e mos halo reklamasaun hasoru ema ruma ne'ebe halo ona deklarasaun ba ita nia rai. Tan ne'e Director DNTPSC ne'e husu ba maluk na'in ba rai sira iha area ne'ebe refere atu ba haree ita boot sira nia dadus iha publikasaun refere hodi aprova ita boot sira nia dadus. Tanba durasaun tempu ba publikasaun mapa mak loron 30 no depois ne'e sei la iha tan ona reklamasaun ka hadia dadus”**.

Area koleksaun ne'ebe inklui iha publikasaun mapa maka hanesan;

- Distritu Bobonaro, Sub Distritu Maliana, Suco Holsa, Aldeia solugulo no Suco Lahomea, Aldeia Maliana. Ba publikasaun mapa refere taka iha; sede Suco Holsa, edisfisiu DNTPSC

HAMETIN DIREITU DA PROPRIEDADE IHA TIMOR LESTE
Balide, Dili, Timor-Leste

Cecilia Goncalves
Cristiana X.Belo

For more information, please contact:
TL: 670.7304325
TL: 670.7304327

E-mail: CGoncalves@sprtl.tl
E-mail: CBelo@sprtl.tl



Distrital Bobonaro, Administrasaun Sub-distritu Maliana no edificiu DNTPSC Bebora, Dili. Ba publikasaun refere hahu iha loron 06 Julhu to'o 16 Agustu 2010.

- Distritu Oecusse, Sub Distritu Pante Macassar, Suco Costa, Aldeia Oesono no Padimau; Publikasaun ba mapa refere taka iha; Bairo sicluli (Iha Xefi-Bairo nia uma oin), edificiu Administrasaun Distrital Oecusse, Igreja, Bairo Oetulu (Iha Komunidade nia uma) no edificiu DNTPSC Bebora, Dili. Hahu iha loron 08 Julhu to'o 18 Agustu 2010. Bele asesu mos iha internet, liu husi: www.itanirai.tl

Dekretu Ministerial No. 229/2008 de 1 Julhu 2008 fó mandatu ba DNTPSC atu hala'o publikasaun ba dadus rai ne'ebe rekolha tiha ona durante prosesu levantamento dadus. Durante tempu ne'e, ema sei bele hato'o deklarasaun foun ida, no mos bele hatama reklamasau, ne'ebe hanesan disputa ida kontra ema seluk nia deklarasaun. Bainhira publikasaun hotu ona, ema sei labele hatama deklarasaun foun ka halo reklamasau ba ema seluk nia deklarasaun iha area ne'ebe refere.

Programa Ita Nia Rai ho durasaun tinan Lima (2007 – 2012) hetan fundus husi Governu Amerikano liu hosi USAID hodi tulun Governu Timor-Leste atu aseguira direitu ba rai no propriedade iha Timor-Leste. Servisu hamutuk ho DNTPSC (Ministerio da Justiça), programa ida ne'e atu fó assistensia téknika no suporta regulamentu ba dezvoltamentu sustentavel no transparente ba sistema administrasaun rai iha Timor-Leste. Dadaun ne'e prosesu foti dadus kona-ba rai hala'o ona iha Capital Distritu Aileu, Baucau, Bobonaro, Liquiça, Manatuto, Oecusse, Dili, Lautem, Covalima no Capital Distritu Ainaro.

- Remata -

HAMETIN DIREITU DA PROPRIEDADE IHA TIMOR LESTE
Balide, Dili, Timor-Leste

Cecilia Goncalves
Cristiana X.Belo

For more information, please contact:
TL: 670.7304325
TL: 670 7304327

E-mail: CGoncalves@sprti.tl
E-mail: CBelo@sprti.tl